

2014.02.14

陳耀星會長，趙耀年主席，譚常務秘書長，各位嘉賓，各位朋友，  
大家新年好！

首先我要代表扶貧委員會社會參與小組衷心感謝荃灣區議會同玄圓學院鼎力支持和響應，命名今日呢個大型社區活動為「築福香港」甜蜜歡樂滿荃城，舉行多姿多彩，各式各樣遊戲和節目俾荃灣區市民，包括基層人仕同弱勢社羣，一齊來慶祝元宵節同情人節，充分實現「築福香港」希望凝聚各方力量，推動民商官跨界別三方協作，建立守望相助，分享是福的社會文化。

「築福香港」由一月開始，已經得到各界支持，登記活動項目超過 400 個，大大小小嘅活動好似賀歲盃足球入場票，餐飲業聯會在敬老月招待長者的點心派對亦都陸續舉行，不過區議會同社區活動，荃灣區議會今日活動係第一個，多謝你們起咗個帶頭作用同示範。

大家知唔知道「築福香港」的標誌係由 4 個福字組成，你將張紙轉 360 度，就搵到晒！

- > ·，第一個福字代表惜福，凡事要珍惜，珍惜你所有，珍惜身邊的人。
- > 第二個福字代表積福，就係多行善，做好事。
- > 第三個福字代表造福，就係你幫人，人幫你，大家守望相助。要知道「能夠幫人係你的福氣！」
- > 做齊惜福，積福，造福，個人同社會當然就會得到幸福。為香港呢塊福地凝聚更多福氣！

> 喺呢度我恭祝各位荃灣區的朋友，馬年大吉，萬事如意，全家幸福！亦祝各位喺今日咁難得的中西合璧的節日，既是元宵節，又係情人節，大家甜甜蜜蜜，開開心心，盡情歡樂！多謝大家！